

- din wankelmuot ist offenbâr.
 wint ein hûetel um din hâr.
 20 dâ muost ân die dinen wât, wilt an die schar!
 „Muoter mîn, wer gap iu daz ze lèhen,
 daz ich iuch miner wæte solde vlèhen?
 dern gespunnet ir nie vadem.
 lâzet ruowen solhen kradem.
 25 wâ nû slûzzel? sliuz uf balde mir daz gadem.“
 Diu wât diu was in einem schrine versperret.
 daz wart bi einem staffel uf gezerret.
 diu alte ir leider nie gesach.
 dô daz kint ir kisten brach,
 30 dô gesweic ir zunge, daz si niht ensprach.
 Dar ûz nam si daz rœckel alsô balde.
 daz was gelegen in maneger kleinen valde.
 ir gûrtel was ein rieme smal.
 in des hant von Riuwental
 35 warf diu stolze maget ir gikelvêchen bal.

Ulrich von Lichtenstein.

(Vergl. Übersicht der Litteraturgeschichte.)

4. Süßes Hoffen.

- | | |
|---|--|
| <p> In dem walde sêze dœne
 singent kleiniu vogelin.
 an der heide bluomen schœne
 blûejent gegen des meien schîn.
 5 alsô blûet mîn hôher muot
 mit gedanken gegen ir gûete,
 diu mir richet mîn gemûete,
 sam der troum den armen tuot.
 Ez ist ein vil hôch gedinge,
 10 den ich gegen ir tugenden trage, 30
 daz mir noch an ir gelinge,
 daz ich sælde an ir bejage.
 des gedingen bin ich vrô.
 got geb daz ichz wol verende,
 15 daz sie mir den wân iht wende, 35
 der mich freut sô rehte hô.
 Sie vil sêze valsches âne,
 vri vor allem wandel gar,
 lâze mich in liebem wâne
 20 die wil ez niht baz envar; </p> | <p> daz diu vreude lange wer,
 daz ich weinens iht erwache,
 daz ich gegen dem trôste lache,
 des ich von ir hulden ger.
 25 Wûnschen unde wol gedenken
 dêst diu meiste vreude mîn.
 des sol mir ir trôst niht wenken,
 sie gelâze mich ir sin
 mit den beiden nâhen bi,
 30 sô daz sie mit willen gunne
 mir von ir sô werder wunne,
 daz sie sælic immer si.
 Sælic meie, dû aleine
 troestest al die werde gar.
 35 dû und al diu werit gemeine
 vreut mich mîn dann umb ein hâr.
 wie môht ir mir vreude geben
 âne die vil lieben guoten?
 von der sol ich trôstes muoten;
 40 wan ir trôstes muoz ich leben. </p> |
|---|--|

4₂₂ weinens von Weinen; iht-niht. — 4₂₉ beiden, wûnschen und gedenken.
 4₃₀ mîn adv. def. comp. weniger.